

بِسْمِ اللَّهِ الرَّحْمَنِ الرَّحِيمِ

Cijenjeni brate i sestro!

Ovaj put govorit ćemo o neposlušnosti roditeljima, iako mislim da nismo dostojni te teme. Ali, govorit ćemo sa strane saradnje na dobru i poziva na dobro.

Poslušnost roditeljima je velika stvar, jer, ko god bude pročitao ovaj tekst moći će sebe optužiti za jedan od najvećih grijeha koji dolazi nakon širka, a to je neposlušnost roditeljima.

Allahov Poslanik, sallallahu alejhi ve selem, je bio upitan: "Koje je djelo najdraže Allahu?"

- "Namaz u propisano vrijeme!" reče on.

- A zatim?

- "Poslušnost roditeljima!" - reče.

- A zatim?

- "Borba na Allahovom putu!" - reče.

To znači da je poslušnost roditeljima preča od borbe na Allahovom putu, a da je neposlušnost gora od bježanja sa bojnoga polja.

Jednom prilikom je došao čovjek, porijeklom iz Jemena, da učini tavvaf oko Ka'be. Na svojim leđima je nosio svoju majku. Upitajte se sada: Ko bi od nas mogao to učiniti, uprkos gužvi koja je prisutna oko Ka'be? Je li netko od nas dostigao ovaj stepen poslušnosti i ljubavi prema roditeljima - da nosi svoju majku na leđima, dok čini tavvaf? Pa je vidio Abdullaha, sina Omerovog, te ga upita: "Jesam li joj se odužio?" Abdullah b. Omer odgovori: "Ne! Čak niti za jedan bol od trudova koji je osjećala kada te je radala!"

Zato, šta god da učiniš, nećeš se nikad odužiti svojoj majci za ono što je ona tebi pružila u

životu!"

Također ćemo spomenuti neke priče, iako je većina njih ružna i sramotna. Na žalost, one su istinite, i da belaj bude veći, one su iz ovoga vremena i prostora u kojem mi živimo.

Ovu priču priča jedan zlatar, pa kaže: "Ušao je kod mene u trgovinu čovjek sa dvije žene: jedna je bila mlada, a jedna starica, to jest, njegova mati. Mlada žena je bila njegova žena, te je kupila zlato, ogrlice, prstenje, narukvice - sve ono što joj se svidjelo. Čovjek upita: "Koliko sam dužan?" Trgovac odgovori 6 050 eura." Ovaj povika: "Odakle tih 50 eura kada smo mi sračunali samo 6 000?" Trgovac mu reče da je njegova majka uzela prsten od 50 eura. On ga zatraži i baci ga u lice trgovcu i reče: "Starice ne zaslužuju zlato." Mati zaplaka i izade, a njegova žena reče: "Zar te nije stid i strah da nam neće više čuvati djecu?"", a i trgovac se pobuni i naruži ga. On izide za njom, sjede u automobil, te joj ponudi prsten. Ona odgovori: "Ja sam samo htjela da se radujem za bajram kao i drugi ljudi, a ti si mi samo zagorčao bajram, neka ti Allah oprosti."

Subhanallah, kao da je mati sluškinja da mu čuva djecu. Ženi može kupiti zlato u vrijednosti od 6 000 eura, a majci ne može niti prsten od 50 eura.

Allah, subhanehu ve te'ala, kaže: "Tvoj Gospodar je navedio da ne obožavate nikoga mimo Njega, i da prema roditeljima budete dobročinitelji, a ako neko od njih dvoje doživi kod tebe starost ne reci im niti "uf" i nemoj ih ignorisati, već budi pokoran i milostiv prema njima, i reci: "Gospodaru moj smiluj se njima, kao što su i oni mene odgajali dok sam bio mali i nemoćan!"

Dakle, prva stvar posle tewhida je poslušnost roditeljima. U starosti, kada najviše čovjeku treba hizmet činiti, ne govori im ni riječ "uf" iako ćeš poslušati, jer je i to vid neposlušnosti. Ili, koliko ljudi dođe kući i donese poklon ženi i djeci, zaključa se, a o majci i ne razmišlja. O, Allahov robe, od kada si upoznao svoju ženu? Koliko ti je to žena učinila dobra u životu, uspoređujući sa dobročinstvom i odgojem tvoje majke? Tvoja mati je, i prije nego li si došao na ovaj svijet, brinula se o tebi. Patila se iz milosti prema tebi, a ti si je zaboravio od trenutka kada si se oženio. Ili ti, pak, smeta da povedeš svoju majku kada izlaziš sa porodicom, jer ti, možda, mati smeta dok priča ili se stidiš se svoje majke? Ili ti žena nije rahat ako je tvoja mati u njenoj blizini? Abdullah b. Abbas, r.a., kaže: "Ne znam djelo koje je vrijednije od poslušnosti roditeljima da postoji na dunjaluhut." Jer otac se pati dok radi, a dijete se odmara; otac gladije da bih djetetu odvojio zalogaj, sve dok mu kosti ne oronu i onemoća tijelo, a onda ga dijete ostavi na milost i nemilost, ili otima imetak od oca ili majke na nepravedan način. Čak i komšija ili prijatelj mogu biti bolji od djeteta, uprkos svemu što mu je otac pružio. Ponekad majka zatraži od sina da je odveze kod nekoga od rodbine, a on to energično odbije pravdajući se time što je zauzet. A ako ga pozove neko od društva, spreman je i obaveze ostaviti samo da mu se društvo ne bi zahatorilo (zamjerilo). Slijedeću priču, i njoj puno sličnih, možete pročitati u časopisima: "Izašao je čovjek u prirodu sa porodicom, a nadomak njih je sjedila stara žena. Sretna porodica se zabavljala i naslađivala u ljepotama prirode, sve dok se noć nije spustila. Kada je vakat za povratak već poodmakao spremili su se da krenu kući. Čovjek je ustao i iz znatiželje otišao do ove stare nane i upitao je zašto sama sjedi u ovo gluho doba noći, kada je većina ljudi već otišla svojim kućama. Ona mu reče da čeka sina, jer joj je obećao da će doći po nju. Al' čovjek bijaše uporan, a i nana kod svoga mišljenja, te mu ona reče: "On mi je obećao i on će doći, a ostavio mi je i ovu ceduljicu." Čovjek je uze i pročitao: "Moli se onaj ko nade ovu staricu da je odvede u starački dom".

Proklet neka je svako ko ucvili i rastuži svo-

je roditelje i pošalje ih u starački dom. Svako, ko želi i može da sluša ove priče, neka ode u starački dom i neka malo posjedi sa "stanovnicima" ovih ustanova. Tako će se moći naslušati onoga što razum ne može niti prihvatiti, niti zamisliti.

Jesi li ikad razmišljao o tome kako bi bilo lijepo da udeš kod svoje majke i poljubiš je u čelo i time uneseš sreću i blagost u njeno srce? Ili, da udeš kod oca isto tako, da poljubiš u čelo i ruku i tražiš halala? Jer, ne daj Bože, da umreš i sretnoš Allaha, subhanehu ve te'ala, na Sudnjem danu sa ovim velikim grijehom, to jest, neposlušnoću prema roditeljima. Nemoj odgadati taj trenutak, nego idi ove noći i učini to što sam ti rekao.

Priča se kako je čovjek odveo majku u starački dom, a kada joj je došao trenutak smrti, zaplakala je i pozvala osoblje, te ih zamolila da pozovu njenoga sina. Jer je imala želju da ga zagrlji i poljubi prije nego preseli na Ahiret. To je zato što mati voli svoje dijete, bez obzira šta da joj on učini od nepravde. Osoblje je učinilo ono što je mati tražila, a možete zamisliti šta je on odgovorio. Rekao je: "Nemam vremena, imam posla u trgovini!" Njegova mati je umrla bez ispunjenja zadnje želje. Iz bolnice su ga ponovo pozvali i saopćili mu tu vijest, a on im je ponovo odgovorio: "Završite svu potrebnu proceduru i zakopajte je."

Tvoja mati noćima nije spavala, dok si ti plakao; nad tobom je bdjela i u trenutku kada te je radala kakve je samo bolove podnijela i kroz grlo svoju dušu ispuštala! I koliko je puta oprala tvoj izmet sa svojom rukom? Zar si zaboravio da nije devet mjeseci hodala - kao što ljudi hodaju, niti se mogla u postelji namjestiti od tebe - dok si joj u utrobi bio, niti je jela radi tebe? Zar si zaboravio da je njeno krilo bilo tvoja topla postelja? I kako si iz njenih prsa pio mlijeko, dok je ona morala puno puta ostariti gladna? A ti si je ostavio onda kad je ostarila i um izgubila, a tebi je bilo teško da joj to sve uzvратиš. Neke je proklet onaj ko prokune svoje roditelje.

Ebu-Hurejre, r.a., je jednom prilikom rekao jednom mladiću: "Nemoj svoga oca zvati imenom, nego samo riječima oče ili babo!",

اللَّهُ

jer su ashabi smatrali da je od neposlušnosti roditeljima da ih se priziva imenom. Isto tako, da ne ide ispred njih nego sa strane, ili iza njih, niti da sjedi prije nego sjednu otac ili mati. Preci su znali poštivati roditelje do te mjere, da nisu htjeli da se pomnu na sprat kuće, ako je jedan od roditelja u donjem spratu, jer nisu mogli da pojme kako oni da bude iznad svojih roditelja. Ili nisu mogli da jedu iz jedne posude sa majkom, bojeći se da ne uzme zalogaj koji bi, možda, počeo jesti njegova mati. Poslanik, sallallahu alejhi ve selem, je vratio čovjeka iz džihada, jer je ostavio roditelje kako plaču i rekao mu: "Kći i narveseli ih isto tako kao što si ih rasplakao!" U jednom drugom rivajetu se prenosi da je Allahov Poslanik, sallallahu alejhi ve selem, vratio čovjeka iz džihada i rekao: "Ako želiš nagradu kod Allaha, vrati se svojoj majci i čini njoj hizmet. Pod majčinim nogama je Džennet!"

Prenosi se također da je čovjek po imenu Munazil udario svoga oca. Otac mu je nešto naredio da uradi, a on, u znak neposlušnosti, udari mu šamar. Otac zaplaka i reče: "Oniči ću kod Ka'be i proklinjati te!" Kada je došlo vrijeme hadždža, otac se spremi i ode na hadždž. Došavši pred Ka'bu, uhvati se za njen ogrtač i počeo dovi: "O, Ti, kome su došle hadždže - prevalivši ove daljine ili iz bliza, pozivam Te, jer Ti si Onaj koji odgovara dovi. Jedan i Neovisni, ovo je Munazil koji je otpao od mene i osveti se za mene mom djetetu - neka mu se oduzme jedna strana tijela! O, Ti, Časni, koji nisi rođen, niti radaš!" Ruke nije ni spustio sa ogrtača Ka'be, a njegov sin se slagira i sve do smrti ostade retardiran.

Od tri dove, koje se ne odbijaju, je i dova roditelja djetetu. Zato, ako želiš da uspiješ u životu, moli roditelje da ti uče dove.

Također se prenosi da se jedan čovjek nasitio svoga oca i odveo ga u nepoznatom pravcu. Kada je došao do jednoga mjesta otac ga upita: "Šta ćeš to sine sa mnom uraditi?". On mu reče: "Nasitio sam te se i hoću da te zakoljem!", a otac reče: "Ako baš moraš, onda to učini kod onoga kamena ondje, jer sam i ja svoga oca zaklao ondje i čekaj da doživiš da i tebe tvoj sin zakolje kod istoga ovoga kamena!"

Allah, subhanehu ve te'ala, kaže: "Onaj ko bude činio loša djela, po njima će biti nagraden!"

Allahov Poslanik, sallallahu alejhi ve selem, kaže: "Sve grijeha čovjekove Allah, subhanehu ve te'ala, ostavlja do Dana Sudnjega, osim neposlušnosti roditeljima, jer mu da da osjeti kaznu na ovom svijetu, prije nego umre!"

Allah, subhanehu ve te'ala, kaže: "Mi smo čovjeku naredili da prema roditeljima bude poslušan, njegova ga mati nosi sa teškoćama i rađa ga sa teškoćama, a njegovo nošenje i dojenje traju 30 mjeseci."

Po čitavu noć ne spava, po nekoliko puta ustane, plače ako plačeš, teško joj ako te nešto boli; otac po čitave dane radi da bi tebi obezbijedio bolju budućnost, da bi tebi dao lijepu odjeću i ako je sam želi, a nema je. A ti si, i pored svega toga, zaboravio njihova prava. Pojedinci se pitaju: "Je li dovoljno da odem jednom sedmično da ih obiđem?" Čovječe, koliko sjediš sa ženom, ili djecom, ili prijateljima, a sa roditeljima ti je dosadno sjediti; ili kako tražiš isprike da kažeš kako ne možeš, ili, kako nemaš vremena da odeš kod njih! Dovi i moli Allaha, subhanehu ve te'ala, da im oprost i da ih uvede u Džennet. Daji sadaku za njih, ako su mrtvi! Obavi hadždž za njih!

Dadni neku trajnu sadaku za njih, da bi se Allah, subhanehu ve te'ala, njima smilovao,



PAŽNJA

Mole se svi da kojih dode ovaj letak da ga ne bacaju na prljava mjesta pošto se na njemu nalaze Allahove riječi

Neposlušnost roditeljima
je neposlušnost

Allahu, subhanehu ve te'ala